

## **Lög Kynjakatta, Kattaræktarfélags Íslands**

### **I. kafli Almenn ákvæði**

#### **1. gr.**

Félagið heitir Kynjakettir, Kattaræktarfélag Íslands. Aðsetur þess og varnarþing er í Reykjavík. Félagið er fullgildur meðlimur í Fédération Internationale Féline (FIFÉ) og er félagið og félagsmenn þess skuldbundnir til að fylgja í einu og öllu lögum, reglum og tilskipunum FIFÉ.

#### **2. gr.**

Markmið og tilgangur félagsins eru eftirfarandi:

1. Að kynna kattaræktun á Íslandi
2. Að gefa út ættbækur og skráningaskírteini fyrir ketti.
3. Að gæta hagsmuna og velferðar katta og kattaeigenda.
4. Að stuðla að samstarfi katta- og dýrvinafélaga hér á landi sem og erlendis.

#### **3. gr.**

Tilgangi sínum skal félagið meðal annars ná með eftirfarandi leiðum:

1. Að halda reglulega fundi með félagsmönnum.
2. Að halda reglulega kattasýningar.
3. Að standa að útgáfu fræðsluefnis um ketti, kattahald og kattaræktun.
4. Að standa að erlendu samstarfi.

#### **4. gr.**

Skipunartími stjórnar er á milli aðalfunda og reikningsár er frá 1. janúar til 31. desember.

### **II. kafli Stjórn félagsins**

#### **5. gr.**

Stjórn skal skipuð 7 félagsmönnum. Kosningar til stjórnar skal auglýsa á tryggilegan hátt í fundarboði aðalfundar. Stjórn skal skipuð formanni, varaformanni, tveimur riturum, tveimur gjaldkerum og sýningarstjóra.

#### **6. gr.**

Stjórn Kynjakatta stýrir málefnum félagsins með þeim takmörkunum sem lög þessi setja. Hún tekur ákvarðanir um starfsemi félagsins og er ábyrg fyrir fjárrreiðum og skuldbindingum gagnvart öðrum aðilum. Stjórn setur reglur og gjaldskrá félagsins og skipar í nefndir. Aðalfundur ákveður félagsgjöld félagsins.

#### **7. gr.**

Þrír stjórnarmenn rita firma félagsins. Formaður og gjaldkerar hafa prókúru félagsins.

#### **8. gr.**

Formaður, í fjarveru hans varaformaður, kemur fram fyrir hönd Kynjakatta. Formaður, í fjarveru hans varaformaður, stjórnar fundum stjórnar. Í fjarveru þeirra stjórnar einhver stjórnarmanna fundi samkvæmt ákvörðun hverju sinni.

## **II. kafli** **Stjórn félagsins – frh.**

### 9. gr.

Ritarar, í fjarveru þeirra einhver stjórnarmanna, rita fundargerðir stjórnarfunda. Ritarar hafa umsjón með vefsíðu félagsins, [www.kynjakettir.is](http://www.kynjakettir.is) og umsjón aðsendra bréfa. Ritarar skulu halda til haga lögum og reglum félagsins og skulu fylgjast með innlendum sem erlendum laga- og reglusetningum. Ritarar skulu sjá til þess að lög og reglur félagsins séu í samræmi við lög og reglur FIFE. Ritarar bera ábyrgð á að félagaskrá félagsins sé uppfærð. Ritarar bera ábyrgð á að ræktunarnafnaskrá félagsins sé uppfærð og annast afgreiðslu um ræktunarnöfn.

### 10. gr.

Gjaldkerar bera ábyrgð á bókhaldi félagsins. Gjaldkerar undirbúa fjárhagsáætlun félagsins eitt ár fram í tímann og leggja hana fyrir stjórn til samþykktar fyrir byrjun desembermánaðar ár hvert. Gjaldkerar skulu einnig leggja fyrir stjórn uppgjör vegna sýninga eigi síðar en fjórum vikum eftir hverja sýningu.

### 11. gr.

Um reikningsár félagsins fer samkvæmt 4. gr. Félagslegir skoðunarmenn félagsins skulu fá reikninga til endurskoðunar eigi síðar en einum mánuði fyrir aðalfund. Skal gjaldkeri leggja endurskoðaða reikninga fyrir stjórn eigi síðar en tveimur vikum fyrir aðalfund. Reikninga félagsins skal leggja fram á aðalfundi til samþykktar.

### 12. gr.

Sýningarstjóri ber ábyrgð á undirbúningi og framkvæmd kattasýninga félagsins.

### 13. gr.

Stjórn skal halda fundi eigi sjaldnar en á sex vikna fresti. Formaður boðar til stjórnarfunda. Stjórnarmeðlimir geta óskað þess að boðað verði til stjórnarfundar og skal hann þá boðaður.

### 14. gr.

Meirihluti atkvæða ræður á stjórnarfundi. Stjórn telst ályktunarbær, ef meirihluti stjórnarmeðlima situr fund. Ef atkvæði eru jöfn, ræður atkvæði formanns, sbr. þó 8. gr.

### 15. gr.

Félagsmenn geta beint erindum til stjórnar og annarra embætta félagsins, og skal leitast við að afgreiða þau af hlutleysi og án ástæðulausrar tafar. Félagsmanni skal gefinn kostur á að flytja mál sitt á stjórnarfundi, óski hann þess.

### 16. gr.

Stjórn félagsins skal leita leiða til fjármögnunar félagsins.

## II. kafli

### Stjórn félagsins – frh.

#### 17. gr.

Stjórn félagsins getur boðað til almenns félagsfundar til að ræða málefni Kynjakatta við félagsmenn. Skal stjórn leitast við að halda slíka fundi ekki sjaldnar en tvisvar sinnum á ári. Formaður Kynjakatta opnar fundinn og tilnefnir fundarstjóra sem stýrir umræðum og fundarritara sem heldur fundargerð. Stjórn er skyld að boða til almenns félagsfundar ef fimmtungur félagsmanna óskar þess með skriflegri beiðni til stjórnar félagsins. Félagsfundir skulu auglýstir með tveggja vikna fyrirvara hið minnsta. Félagsmönnum skal heimilt að koma málum sínum á framfæri á félagsfundum.

#### 18. gr.

Komi fram tillaga um vantraust á stjórn eða einstaka stjórnarmeðlimi skal stjórn boða til félagsfundar, innan tveggja vikna frá þeim tíma er tillagan barst til stjórnar. Fundurinn er lögmætur ef tveir þriðju hlutar félagsmanna mæta. Tillagan hlýtur samþykki ef þrír fjórðu hlutar fundarmanna greiða henni atkvæði. Hljóti tillaga samþykki skal fundarstjóri boða til aukafundar innan tveggja vikna, með viku fyrirvara hið minnsta. Á þeim fundi skal kjósa bráðabirgðastjórn eða stjórnarmeðlim, sem gagnir embætti fram að næsta aðalfundi. Meirihluti atkvæði ræður kosningu. Framboð til stjórnar skal berast fundarstjóra fyrir upphaf fundar.

## III. kafli

### Aðalfundur og kosningar

#### 19. gr.

Aðalfundur hefur æðsta vald í málefnum félagsins. Aðalfund skal halda fyrir 25. maí ár hvert. Til fundarins skal boða með auglýsingum á tryggilegan hátt, með fjögurra vikna fyrirvara hið minnsta, og er hann þá lögmætur. Tillaga hlýtur samþykki ef meirihluti fundarmanna greiðir henni atkvæði nema á annan hátt sé kveðið í lögum þessum.

#### 20. gr.

Mál þessi skulu tekin til meðferðar á aðalfundi:

1. Nefndir gera grein fyrir störfum sínum.
2. Ræktunarráð gerir grein fyrir störfum sínum.
3. Stjórn félagsins gerir grein fyrir störfum sínum.
4. Stjórn félagsins leggur fram endurskoðaða reikninga félagsins.
5. Ákvörðun félagsgjalda.
6. Lagabreytingar.
7. Kosningar til stjórnar, sbr. þó 22. gr.
8. Kosningar í embætti tveggja félagslegra skoðunarmanna og eins til vara.
9. Kosning þriggja félagsmanna í aganefnd og tveggja til vara, sbr. þó 41. gr.
10. Önnur mál.

### **III. kafli** **Aðalfundur og kosningar - frh.**

#### 21. gr.

Við upphafi aðalfundar skal stjórn félagsins tilnefna fundarstjóra og fundarritara. Fundarstjóri og fundarritari skulu hljóta stuðning meirihluta aðalfundar. Fundarritari ritar gerðarbók aðalfundar og fundarstjóri setur fundinn og stýrir honum samkvæmt reglum um fundarsköp. Fundarmenn geta komið að breytingatillögum við framkomnar tillögur fyrir fundinn og skulu þá skila þeim skriflega til fundarstjóra fyrir upphaf fundar. Þá er fundarstjóra einnig heimilt að taka mál til umræðu, sbr. 10. tl. 20. gr., eftir að fundur hefur verið settur.

#### 22. gr.

Kosningarátt og kjörgengi til stjórnar, aganefndar og embætta félagslegra skoðunarmanna hafa allir félagsmenn, 18 ára og eldri, sem greitt hafa félagsgjöld fyrir upphaf aðalfundar. Stjórn skal auglýsa eftir framboðum ekki síðar en við boðun aðalfundar. Framboð skulu vera skrifleg og hafa borist féluginu ekki síðar en tveimur vikum fyrir aðalfund. Kosning til stjórnar er til tveggja ára í senn. Á aðalfundi árið 2007 skal kosið til embættis formanns, ritara og gjaldkera. Skal svo kosið til þessara embætta annað hvert ár. Á aðalfundi árið 2008 skal kosið til embættis varaformanns, ritara, gjaldkera og sýningaráttjóra. Skal svo kosið til þessara embætta annað hvert ár. Á hverjum aðalfundi skal kosið til embætta tveggja félagslegra skoðunarmanna og eins varamanns.

#### 23. gr.

Ef frambjóðandi er einn í framboði þarf hann 2/3 hluta greiddra atkvæða til að hljóta kosningu. Ef ekki hefur hlotist lögleg kosning í öll embætti skal fundarstjóri kalla eftir framboðum meðal fundarmanna. Hafi þá ekki hlotist lögleg kosning í öll embætti, skal nýkjörin stjórn skipa í laus embætti úr hópi félagsmanna.

#### 24. gr.

Aðeins þeir félagsmenn sem sækja aðalfund hafa kosningarátt. Þó getur félagsmaður sem greitt hefur félagsgjald óskað eftir að greiða utankjörstaða atkvæði. Slíkum atkvæðum skal skilað til félagsins skriflega í síðasta lagi tveimur dögum fyrir aðalfund.

### **IV. kafli** **Félagsmenn**

#### 25. gr.

Öllum er frjálst að óska inngöngu í félagið. Til að gerast félagsmaður þarf að skila féluginu skriflegri umsókn og greiða félagsgjald.

#### 26. gr.

Stjórn, að fenginni umsögn aganefndar, getur neitað umsækjanda um félagsaðild ef:

1. Viðkomandi hefur sannanlega brotið lög og reglur félagsins eða annars sambærilegs ræktunarfelags.
2. Viðkomandi hefur verið dæmdur eða ávítur samkvæmt gildandi lögum og reglum um dýravernd.

#### 27. gr.

Í stað félagsgjalds má greiða eitt fjölskyldugjald fyrir þá meðlimi fjölskyldu sem óska eftir að vera félagsmenn og hafa sama lögheimili.

## IV. kafli

### Félagsmenn - frh.

#### 28. gr.

Félagsmenn skulu virða lög og reglur félagsins og hafa lög og reglur um dýravernd í heiðri. Þeir skulu einnig gæta þess að eyðileggja ekki orðstír félagsins með ógætilegum athöfnum sem brjóta í bága við almennt siðferði. Í viðskiptum með dýr skulu félagsmenn gæta þess að virða lög og reglur og hafa almennt viðskiptasiðferði í heiðri. Félagsmönnum er óheimilt að selja eða afhenda ketti til gæludýrabúða eða hliðstæðra fyrirtækja.

#### 29. gr.

Stjórn félagsins getur beitt félagsmann viðurlögum hafi hann:

1. Unnið gegn lögbundnum hagsmunum félagsins með orðum eða athöfnum.
2. Brotið ræktunarreglur eða skráningarreglur félagsins eða FIFÉ.
3. Brotið sýningarreglur félagsins eða FIFÉ.
4. Brotið gegn 1. eða 2. tl. 26gr.

#### 30. gr.

Félagsmenn og eigenda ræktunarnafna má beita eftirfarandi viðurlögum:

1. Skrifleg áminning eða aðvörun.
2. Bann við notkun ræktunarnafns.
3. Útilokun frá því að gegna embættum félagsins.
4. Útilokun frá sýningum félagins
5. Útilokun frá skráningu katta í ættbækur.
6. Brottvisun úr félagini

#### 31. gr.

Hægt er að beita fleiri en einum viðurlögum samtímis samkvæmt 30. gr. Viðurlög samkvæmt 2.-6. tl. 30. gr. geta verið tímabundin eða endanleg. Stjórn hefur aðeins heimild til þess að beita viðurlögum samkvæmt 1. og 4. tl. 30. gr. Sé brýn nauðsyn til, getur stjórn beitt öðrum viðurlögum til bráðabirgða, en þó aðeins hljóti það einróma samþykki stjórnar. Slík bráðabirgðaviðurlög falla úr gildi hafi þau ekki hlotið staðfestingu aganefndar innan fjögurra mánaða. Viðurlagaákvarðanir stjórnar eru kæranlegar til aganefndar innan fjögurra vikna frá dagsetningu ákvörðunar og skulu síkar kærur undanþegnar tryggingargjaldi, sbr. 7. ml. 40. gr.

#### 32. gr.

Stjórn félagsins er heimilt að útnefna heiðursfélaga Kynjakatta meti hún tilefni til.

#### 49. gr.

Kaupi einstaklingur sem ekki er nú þegar félagsmaður KKÍ kött eða ketting, ættbókafærðann hjá Kynjaköttum hefur hann kost á því að fá félagsgjöldin frítt það ár sem eigendaskipti voru gerð á keypta dýrinu, kaupandi verður að skil ainn undirritaðri umsókn um félagsaðild til að nýta afsláttinn. Þetta á aðeins við einu sinni fyrir hvern aðila.

**V. kafli**  
**Félagsdeildir**

33. gr.

Ritnefnd skal skipuð a.m.k. fjórum félagsmönnum, þar af a.m.k. einum stjórnarmanni, auk ritstjóra og skal stjórn að jafnaði skipa í nefndina á fyrsta stjórnarfundi sínum. Nefndarmenn skulu útnefna ritstjóra og ritara nefndarinnar á fyrsta fundi sínum. Ritnefnd skal sjá um útgáfu málgagns Kynjakatta. Ritið skal gefa út að lágmarki einu sinni á ári. Skal ritið telja greinar er varða kattaræktun, heilsu- og velferð katta og annað er tengist málefnum félagsins. Félagsmönnum skal heimilt að koma hugmyndum að efni og greinum á framfæri við ritnefnd.

34. gr.

Ræktunarráð skal skipað fjórum félagsmönnum, þar af a.m.k. einum stjórnarmanni, auk skráningarstjóra og skal stjórn að jafnaði skipa í ráðið á fyrsta stjórnarfundi sínum. Þá skal stjórn einnig útnefna einn þeirra sem formann ráðsins. Ræktunarráð skal útnefna ritara ráðsins á fyrsta fundi sínum. Ræktunarráð skal hafa umsjón með útgáfu ættbóka og skráningarskírteina í samráði við skráningarstjóra. Ræktunarráð skal einnig sjá um skráningu innfluttra katta. Að öðru leyti fer um ræktunarráð samkvæmt reglum Kynjakatta um útgáfu ættbóka og ræktunar- og skráningarreglum FIFé.

35. gr.

Skráningarstjóri skal skipaður af stjórn á fyrsta stjórnarfundi úr hópi félagsmanna, en verkefni hans er að sjá um útgáfu ættbóka og skráningarskírteina.

36. gr.

Sýningarnefnd skal a.m.k. skipuð fjórum félagsmönnum auk sýningastjóra og skal stjórn að jafnaði skipa í nefndina á fyrsta stjórnarfundi sínum. Nefndarmenn skulu útnefna yfirdómþjón, ritara nefndarinnar, ritara sýninga og búrustjóra á fyrsta fundi sínum. Yfirdómþjónn skal hafa umsjón með dómþjónum á sýningum, ritari nefndarinnar skal halda utan um skráningargöggn sýninga. Ritari sýninga skal skrá úrslit sýninga og tilkynna þau til FIFé. Búrustjóri skal hafa umsjón með sýningarbúrum félagsins og uppsetningu þeirra fyrir sýningar.

37. gr.

Kattasýningar skulu haldnar minnst einu sinni á ári og vera opnar almenningi. Um aðgang sýnenda fer eftir sýningarreglum félagsins og FIFé. Sýningar skulu kynntar félagsmönnum með tveggja mánaða fyrirvara, hið minnsta.

38. gr.

Auglýsingarnefnd skal skipuð a.m.k. þremur félagsmönnum og skal stjórn að jafnaði skipa í nefndina á fyrsta fundi sínum. Þá skal stjórn skipa einn þessara aðila sem auglýsingastjóra. Auglýsingastjóri ber ábyrgð á auglýsingum á vegum félagsins ásamt því að afla auglýsinga fyrir sýningar, fréttabréf, netsíðu og aðra þá miðla sem félagið kemur auglýsingum frá sér og öðrum á framfæri. Auglýsinganeftnd sér einnig um að afla verðlauna fyrir kattasýningar í samráði við sýningastjóra.

**V. kafli**  
**Félagsdeildir – frh.**

39. gr.

Aganefnd skal skipuð þremur félagsmönnum og tveimur til vara. Aðalfundur skal skipa nefndina á fundi sínum árið 2007 og á þriggja ára fresti þar eftir. Aganefnd hefur úrskurðarvald í málum sem fjalla um brot félagsmanna á félagslögum, ræktunarreglum og skráningarreglum, hafi stjórn félagsins tekið ákvörðun í málinu. Aganefnd skal vera stjórn til samráðs, sbr. 26. gr. Þá er stjórn heimilt að vísa öðrum málum til nefndarinnar til úrskurðar eða álits. Aganefnd skal heimilt að setja sér starfsreglur innan ramma þessara laga. Sé einn nefndarmanna vanhæfur vegna tengsla við mál skal varamaður taka sæti í því máli. Kærur til aganefndar skulu vera skriflegar og skal fylgja þeim trygging að upphæð 10.000 kr. og getur nefndin ákveðið að tryggingin endurgreiðist kæranda, falli úrskurður honum í hag. Ákvarðanir nefndarinnar eru endanlegar og bindandi gagnvart félagsmönnum. Ákvarðanir nefndarinnar skulu birtar í málgagni Kynjakatta. Kynjakettir bera ekki ábyrgð á fjárhagslegu tjóni sem aðilar kunna að verða fyrir vegna umfjöllunar eða úrskurðar nefndarinnar.

40. gr.

Stjórn félagsins er heimilt að mynda félagsdeildir sem fjalla um einstakar kattategundir eða tegundahópa.

41. gr.

Stjórn félagsins getur óskað eftir þáttöku félagsmanna í starfsemi í þágu þess og skipað nefndir ef þess gerist þörf.

**VI. kafli**  
**Miningarsjóður Þórðar J. Þórissonar**

42. gr.

Kynjakettir starfrækja Miningarsjóð Þórðar J. Þórissonar samkvæmt skipulagsskrá sjóðsins.

43. gr.

Félagið leggur fram 5% af félagsgjöldum sínum og 5% af hagnaði hverrar kattasýningar í sjóðinn á ári hverju. Verði tap á rekstri félagsins getur aðalfundur ákveðið að skylda þessi falli niður.

**VII. kafli**  
**Breytingar á lögum**

44. gr.

Lögum félagsins má breyta á aðalfundi eða sérstaklega boðuðum fundi með tveggja vikna fyrirvara, hið minnsta, og þurfa tveir þriðju hlutar fundarmanna að greiða atkvæði með lagabreytingum. Stjórn er skylt að boða til lagabreytingafundar ef fimmtungur félagsmanna óskar þess. Stjórn er heimilt að boða til slíks fundar að eigin frumkvæði. Allir félagsmenn hafa rétt til að koma með tillögur að lagabreytingum. Tillögum til lagabreytinga skal skilað til stjórnar eigi síðar en 20 dögum fyrir boðaðan fund og skal stjórn þá boða fundinn með tveggja vikna fyrirvara, hið minnsta, en þó aldrei fyrr en 3 dögum eftir að tillagan berst.

Tillögur skulu auglýstar á tryggilegan hátt. Í fundarboði skal þess getið sérstaklega að tillaga til lagabreytinga verði tekin til meðferðar á fundinum og skal efni hennar lýst. Lagabreyting öðlast gildi frá þeim tíma þegar hún er samþykkt á aðalfundi eða öðrum lagabreytingafundi.

**VII. kafli**  
**Breytingar á lögum – frh.**

45. gr.

Nú kemur fram tillaga um að féluginu skuli slitið. Skal hún þá sæta sömu meðferð og tillaga til lagabreyinga, skv. 44. gr.

46. gr.

Eignir félagsins skulu notaðar til kattaræktunar, kattaverndunar og til annarra málefna er varða ketti ef féluginu er slitið.

47. gr.

Lög þessi skulu ætíð birt á vefsíðu félagsins, [www.kynjakettir.is](http://www.kynjakettir.is), þar sem öllum félagsmönnum er heimilaður aðgangur.

48. gr.

Lög þessi öðlast þegar gildi.